

VIRVM
MAGNIFICVM MAXIME STRENVVM
PRAENOBILISSIMVM AMPLISSI-
MVMQVE DOMINVM
DOMINVM
ANDR. THEOD.
BRAKENHAVSEN

PRAECONSVLEM VICE-PRAESIDEM

ET

ORPHANORVM HACTENVS CVRATOREM
LONGE GRAVISSIMVM

PRAESIDIS
DIGNITATEM


DIE XV. MARTII A. MDCCLXIII.

PRIMVM CAPESENTEM
DEMISSISSIMIS CONGRATVLATIONIBVS
PROSEQVNTVR

ATHENAEI MVSAE

INTERPRETE

IOA. DANIEL. HOFFMANNO
CONRECT. ET PROF. P. O.



ELBINGAE

LITTERIS NOHRMANNIANIS.

* * *

Pulchrum, superbis tangere sidera
Coeli triumphis : splendida ponere
Praeferuidae pugnae tropaea ;
Et volitare per ora famam.
Gestit cateruas ire curulibus
Romanus, alto vertice prominens,
Victosque ducit, quam frementes,
Se subiisse iugum subactos.
Thebanus atro sanguine squalida
Mucrone densat funera. Si cadit,
Laudi sibi ducit ; perenni
Ire putans sua facta cursu.
Sternunt superbos Graiugenum duces
Muros, Homeri carmina quos canunt :
His, dulce, rerum sempiternas
Concelebrasse per astra laudes.
Pugnax Achilles dignus adorea,
Virtute firmans & valida manu
Vafris laceffitam malorum
Artibus in patria salutem.
Digni coronis, Graecia quas dabat
Et Roma, forti robore, moenium
Integritas quod sit reducta,
Nil remorantibus hostium armis.
Haec fulcra sunt, queis florida faustitas
Cum pace posthac nititur, & salus
Laeto volat curru per arua,
Terraque fertilitate abundat.
Intaminatus sit, licet, hic honos,
Quorum coronant pectora, fulgida
Virtute, lauri, nominisque
Sideribus decus inferentes.
Vos, mite Marti praefero iam genus
Mortalium : vos, deliciae Themis,
Non ense, communem salutem,
Consilio potius, paratis.

Clades, ruinae, diruta moenia,
Diri furoris turbine turrium
Moles ruentes, non adaptant
Laurigeras capiti coronas.
Longo steterunt tempore Graeciae
Urbes, Solonis legibus arteque
Docti Lycurgi constitutae,
Quos super astra vehit vetustas.
Mansura laus est; quam temerat furor
Mauortis: aequum quidquid erat, perit.
Qui faustitatis sunt statores,
Non deerit decus acuiternum.
Quam Numa floret perpete gloria,
Cuius sagaci fulta celebrior
Est Roma cura: nulla belli
Vis potuit prohibere florem.
Mansueta reddit pectora ciuium
Legis periti pulchra scientia:
Felicitatis prouehendae
Quemque trahit vehemens cupido.
Agri virescunt: flumina copiam
Rerum carinis suppeditant sui
Secura damni; pace cuncta
In placido gremio tuente.
Mansuetiores feruidius student
Musae, salubres tradere litteras,
Quas arma cogunt conticere,
Obstrepitante fragore Martis.
Nullis minarum terriculis proba
Virtus pauescit: blandiloquentiae
Vel barbarus mitescit arte:
Quisque parat stabilem salutem.
Astraea tantis laudibus eminet,
Maiora quanto commoda prodidit
Fucata Martis laus tumescit
Horribili exitio incolarum.

Quam dulce tantis artibus imbui,
Quicquid salutem provehit altius,
Quo nationes non laceffit

Pernicies & iniqua strages.

Praestantius nil laude Themistea,
PRAECONSVL, aequam iustitiam sequi, &
Multum mereri de salute

Ciuius acriter expetenda.

Instructus vt sit Palladis artibus,
Qui fas tueri, firmaque figere
Decreta iuris, concupiscit,

Laurea digna viro sagaci.

Ardore flagrat quam vehementius,
Felicitem quo mage proferat,
Cuicumque rectum cor, amansque

Numinis & pietate plenum.

Non torua frons, nec verba minacia
Terrent egentes: alloquii viri
Affabilis, comisque pectus

Dulce leuamen habet doloris.

Virtute, PRAESES, maeste TVA, & bonis
Laetare mentis: finxerat optime
Astraea TE iuris peritum,

Indidit & studium salutis.

Campus patescit, quo TVA fulgeat
Virtus: subibis, quam patiens, onus,
Tot Gratiarum adstante turba,

Consilio reparans salutem.

Feliciorem ciuis & accola
Se praedicabit: Moeonidum chorus
Se protegi iactat tutela,

Ceu valido clypeo Mineruae.

Sic constitutum demerito loco,
Sic TE merentem de patria, noui
Laudum decores consequentur,

Nomine splendidius micante.

